

HELAIAN PENDEDAHAN PRODUK	Etiqua General Insurance Berhad ("Kami")
Baca Helaiian Pendedahan Produk ini sebelum anda memutuskan untuk menyertai Pembantu Rumah Domestik . Pastikan juga anda membaca terma-terma dan syarat-syarat am.	Pembantu Rumah Domestik Tarikh : 01/03/2022

1. Apakah produk ini?

Produk ini memberi perlindungan kemalangan diri terhadap pembantu rumah.

2. Apakah perlindungan/manfaat yang diberi?

Berikut adalah manfaat-manfaat Perlindungan Perbelanjaan Pembantu Rumah:

No	Manfaat- manfaat	Jumlah Pampasan (RM)
1	Kemalangan Diri	
	a) Kematian	15,000
	b) Hilang upaya kekal	Sehingga 15,000
	c) Pembayaran balik bil perubatan (tertakluk kepada RM50 eksek)	Sehingga 500
	d) Faedah mingguan (maksimum 10 minggu)	105
2	Penghantaran pulang ke negara asal	Sehingga 4,000
3	Kos pembedahan dan penginapan di hospital	Sehingga 2,000

Tempoh perlindungan adalah satu (1) tahun. Anda perlu memperbaharui polisi setiap tahun

Nota: Sila rujuk kontrak polisi untuk maklumat lanjut berkenaan manfaat-manfaat di atas.

3. Berapakah premium yang perlu saya bayar?

Premium tahunan ialah RM60.00.

Semua premium (jika terpakai) akan tertakluk kepada caj-caj atau cukai-cukai yang berkenaan, sebagaimana yang dianggap perlu oleh pihak berkuasa cukai Malaysia. Adalah penting untuk anda menyimpan apa-apa resit yang anda terima sebagai bukti pembayaran premium.

4. Apakah fi dan caj yang perlu saya bayar?

Jenis	Amaun
Komisen dibayar kepada ejen	25% daripada premium
Cukai Perkhidmatan	6% daripada premium
Duti Setem	RM10.00

5. Apakah terma-terma dan syarat-syarat penting yang perlu saya ketahui?

Kepentingan pendedahan

- Menurut Perenggan 5 daripada Jadual 9 Akta Perkhidmatan Kewangan 2013, jika anda memohon insurans ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam Borang Permohonan (atau semasa memohon insurans ini). Anda dikehendaki menjawab soalan-soalan dalam Borang Permohonan ini dengan lengkap dan tepat.
- Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak insurans anda, keengganan atau pengurangan gantirugi, perubahan terma atau penamatan kontrak insurans anda.
- Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.
- Sebagai tambahan kepada soalan-soalan di dalam Borang Permohonan (atau semasa memohon insurans ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.
- Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Permohonan tidak tepat atau sudah berubah.

Kelayakan – Insurans ini tidak sah kepada orang yang diinsuranskan yang telah mencapai umur 65 tahun.

Polisi Ini Akan Ditamatkan:

- Selepas Orang Yang Diinsuranskan meninggal dunia; atau
- Apabila kontrak pekerjaan tamat antara pengambil insurans dengan orang yang diinsuranskan yang namanya dinyatakan dalam Jadual; atau
- Dari tarikh Surat Pelepasan Jabatan Imigresen yang akan dianggap sebagai membatalkan Polisi ini, mengikut mana yang terdahulu.

Bayaran Sebelum Perlindungan (CBC) – premium hendaklah dibayar kepada kami atau ejen kami yang diiktiraf sebelum tarikh perlindungan polisi dikuatkuasakan.

Tuntutan – jika berlaku kemalangan yang membawa kepada tuntutan, anda hendaklah memberitahu kami dalam masa tiga puluh (30) hari daripada tarikh kemalangan itu berlaku.

Nota: Senarai ini tidak menyeluruh. Sila rujuk kontrak polisi untuk senarai lengkap terma-terma dan syarat-syarat.

6. Apakah pengecualian-pengecualian utama di bawah polisi ini?

- a. Mencederakan diri sendiri dengan sengaja atau percubaan membunuh diri;
- b. Dibawah pengaruh alkohol atau dadah;
- c. Kompilasi penyakit venereal;
- d. AIDS atau kehadiran sebarang HIV;
- e. Rawatan yang timbul daripada kehamilan atau kelahiran anak;
- f. Mengambil bahagian dalam sukan atau hobi yang berbahaya;
- g. Mengambil bahagian dalam penerbangan atau lain-lain kegiatan udara selain daripada sebagai penumpang dalam pesawat udara yang dilesenkan sepenuhnya tetapi tidak sebagai salah seorang anak kapal;
- h. Menunggang motosikal, atau basikal kayuh yang dibantu secara mekanikal (sama ada sebagai pemandu atau penumpang) untuk tujuan sukan, pameran, pertandingan atau perlumbaan;
- i. Apa-apa tindakan untuk pampasan yang dimulakan oleh mana-mana Mahkamah Undang-undang di mana-mana wilayah luar Malaysia;
- j. Sebarang tindakan perang, mogok, rusuhan atau kekecohan awam, kontaminasi radioaktif atau nuclear dan tindakan keganasan.

Nota: Senarai ini tidak menyeluruh. Sila rujuk kontrak polisi untuk senarai penuh pengecualian.

7. Bolehkah saya membatalkan sijil saya?

Anda boleh membatalkan polisi dengan memberi notis bertulis kepada kami. Atas pembatalan tersebut, anda boleh mendapat kembali sebahagian premium anda dengan syarat tiada tuntutan telah dibuat sepanjang tempoh insurans.

8. Apakah yang perlu saya lakukan sekiranya terdapat perubahan maklumat perhubungan?

Adalah penting untuk anda memaklumkan kepada kami tentang sebarang perubahan maklumat perhubungan bagi memastikan semua komunikasi sampai kepada anda tepat pada masanya.

9. Di manakah saya boleh mendapatkan maklumat lanjut?

Sekiranya anda memerlukan maklumat tambahan tentang insurans kemalangan diri, sila rujuk buku panduan maklumat infoinsurans yang boleh didapati di semua cawangan kami atau layari laman web www.insuranceinfo.com.my

Sekiranya anda mempunyai sebarang pertanyaan, sila hubungi kami di:

Etiqua General Insurance Berhad (197001000276)

(Dilesenkan dibawah Akta Perkhidmatan Kewangan 2013 dan dikawal selia oleh Bank Negara Malaysia)

Aras 13, Menara B, Dataran Maybank

No. 1, Jalan Maarof

59000 Kuala Lumpur, Malaysia

Nombor Telefon: +603 2297 3888

Nombor Faksimile: +603 2297 3800

Etiqua Online: 1300 13 8888

E-mel: info@etiqua.com.my

Laman Web: www.etiqua.com.my

10. Lain-lain jenis perlindungan insurans kemalangan diri yang boleh didapati

Sila rujuk kepada cawangan kami atau ejen kami untuk jenis perlindungan serupa yang ditawarkan.

NOTA PENTING:

ANDA DINASIHATKAN MERUJUK SKALA MANFAAT UNTUK KEMATIAN DAN HILANG UPAYA DI DALAM POLISI INSURANS ANDA. ANDA MESTI MELANTIK PENAMA DAN MEMASTIKAN PENAMA ANDA MENGETAHUI TENTANG POLISI KEMALANGAN DIRI YANG TELAH ANDA BELI. ANDA MESTI MEMBACA, MEMAHAMI DAN BERBINCANG DENGAN EJEN ATAU HUBUNGI KAMI UNTUK MAKLUMAT LANJUT.

Maklumat yang disediakan di dalam helaian pendedahan ini adalah sah pada atau sehingga 01/03/2022.